

Kalaallit Nunaanni Naligiissitaanissamut Siunnersuisoqatigiit • Council for Gender Equality in Greenland • Grønlands Ligestillingsråd

**Kalaallit Nunaanni Naligiissitaanissamut Siunnersuisoqatigiit
isumassarsioriartorlutik oktobarimi 2023-imi Danmarkimut angalanerat**

Kalaallit Nunaanni Naligiissitaanissamut Siunnersuisoqatigiit ukuninga ilaasorta qarput:

Britta Keldsen, siulittaasoq

Mikkel Andreassen

Rasmine Hansen

Grethe Siegstad

Erni Kristiansen

Mads Pedersen

Sofus Fenger Hove

Angalanermi peqataasut ukuupput:

Britta Keldsen, Mikkel Andreasen, Rasmine Hansen, Sofus Fenger Hove, Grethe Siegstad aamma Erni Kristiansen

Siunertaq:

Kalaallit Nunaanni Naligiissitaanissamut Siunnersuisoqatigiit Danmarkimut angalannginnerminni ilaatigut, Kalaallit Nunaanni sulinerminni pilersaaruserluakkamik naligiissitaaneq peqataatitsinerlu nukittorsaanissamillu isumassarsiorfeqarnissartik siunniussimavaat.

Immikkut anguniagassatta maani qanoq ingerlassinnaanissaanut Danmarkimi suliffeqarfiit kattuffiillu itinerusumik paasisassarsiorfigaagut.

Suliatsinni inuiaqatigiinni naligiinnerulernissamik anguniagaqarfiusumi pingaaruteqaqisumilu pingaartitatta assinganik suliallit siunissami isumassarsiorfittut pitsaasumillu anguniagaqarnitsinni attavigisarsinnaasagut oqaloqatigalugit isumaqatigiissuteqarfigaagut.

Tungaviusumik inatsisitigut periarfissaq

Naligiissitaanissamut siunnersuisoqatigiit naligiissitaanissamut inatsit aallaavigalugu suliassaraat

- Inuiaqatigiinni paasisutissiinermik oqallitsitsinermillu aallarnisaanissaq

Naligiissitaanissamut siunnersuisoqatigiit sulissutigisinnaavaat

- Suaassuseq pissutigalugu inuiaqatigiinni ileqqut pitsaanngitsut akiorniarlugit paasisitsiniaaneq
- Arnaaneq angutaanerluunniit apeqqutaatillugu persuttaanermik akiuiniarlutik suliallit pisortat susassaarfii kattuffiillu peqatiginissai suleqatiginissaalu.

Siunnersuisoqatigiit isumaqarput angalaneq angalanermilu ilisimalikkat nutaat pingaaruteqartut anguniarlugit paasisassarsiorneq, angutinik arnanillu naligiissitaanermut inatsimmi tungavissaqartoq.


Angalaneq imarisaalu

Siunnersuisoqatigiit sulinerminni suliamilu aaqqissuussaannermi pingaarnertut anguniakkat sisamat ataani allassimasut Danmarkimi angalanissaq pilersaaruserneqarmat aallaaviulluinnarput.


- Suliffeqarfimmi naligiissitaaneq
- Assigiinngisitsinnginnissaq
- Digitalimik attaveqarluni eqqunngitsumik narrunarsaaneq

Paasisassarsiorluni pingaarnersiuneq tulliuuttuni immikkoortinneqarput:


1. ****Suliffeqarfimmi naligiissitaaneq:****


 Dansk Industri (DI) pulaarneqarpoq, taakkua assigiinngissitaartumik inuiaqatigiinnillu peqataatitsillutik suleriaaseqarneri paasisassarsiorfigineqarlutik.

2. ****Suaassuseq aallaavigalugu nakuusernarmik akiuiniarneq:****


 Dannerhuset pulaarneqarpoq, tassani persuttagaasimasut qanoq tapersorneqarneri paasiniarneqarpoq. Pulaarfitta misilittagai Kalaallit Nunaanni iliuuserineqarsinnaasut persuttaaneq akiorniarlugu suliniuteqarnissami najoqqutassatut isumassarsiorluarfigineqarput.


3. ****Attaveqaatitigut narrunarsaaneq inatsisitigullu illersugaaneq:****


 Attaveqaatit digitaliusut atorlugit narrunarsaasoqarsimatillugu qanoq saaffiginnittunik sullissisoqartarnerisooq eqqartuussissuserisut NJORD ilisimasassanik aallerfigineqarpoq.


 Naalagaaffiup unnerluussisuata digitalimik attaveqaatit atorlugit inoqatinik narrunarsaaneq pillugu immikkoortortaqaarfia ilanngullugu pulaarneqarpoq. Tassani narrunarsaanerit suussusai, amerlassusai aamma saaffiginnittut arnaaneri angutaanerilu tamaasa nalunaarsorneqartarput.

4. ****Assigiinngisitsineq peqataatitsinerlu:****

 LGBT+ pulaarneqarmat pingaarnertut soqutigisamik assigiisumik suliallit allat naapinneri assigiinngisitsinnginnissarlu anguniarlugu suliniarneri paasiniaaffigineqarpoq.

 Suliffeqarfimmi periusaat kingusinnerusukkut suliniarnitsinni atorsinnaasagut attavigisarsinnaasagullu naapinnermi oqaluuserineqarput

 Coca-Cola pulaarparput, taakkua suliffeqarfimmi inuiaqatigiinnik peqataatitsillutik oqallitsitsisarneri isumassarsiorfigaagut.

 Kalaallit Nunaani inuiaqatigiinnik peqataatsilluni suleqateqarnissaq pillugu isumassarsiffigilluarparput.

Ataatsimiinnerit ataasiakkaarlugit nassuiaateqarfigineqarneri:

DANSK INDUSTRI

Suliffeqarfimmi Dansk Industrimi Roger Matthisen naapisimaarparput, taanna Dansk Industrimi siunnersortaanerullunilu sulianik aqutsisuuvoq.

Siunnersuisoqatigiinnit Britta Keldsen, Mikkel Andreasen, Grethe Siegstad aamma Erni Kristiansen peqataapput.

Ataatsimiinnermit paasisat:

Assigiinngisitaarneq ersittumik aammali ersinngitsumik ingerlanneqarpoq
Ersittumik: Ukiut, suaassuseq, suminggaanneerneq, eqimattanut attuumassuteqarneq il.il.
Ersinngitsumik: Suaassusermi, politikikkut soqutigisat, inuiaqatigiinni inissisimaneq,
tarnikkut peqqissusermi ilaalu ilanngullugit

★ **Sulinermi aalajangiiffissat pitsaanerusumik kinguneqassagaangata peqataasussat aalajangeeqataasut assigiinngisitaartumit aggersuunissaat pingaaruteqarpoq – KPMG-minngaanniit misissuinerit tamanna takutippaat, Mackenzie taakkunungalugu tunngasut**

★ **Inuiaqatigiit aalajangeeqatigiittussat assigiiiaanik tunuliaqutaqartillugit eqimattaatillutik ajornanngitsumik aalajangeeqatigiittarput.
Eqimattalli assigiinngitsunik tunuliaqutallit arlaqaraangata angusassaq 20%-inik annertunerusarpoq taamaattoqartillugu pitsaanerusunik aalajangiussisoqartarpoq.**

Dansk Industrimi anguniakkat assigiinngitsut 16-t, suliffeqarfiit attuumassuteqartut malitassaraat-taamaattorli 16-it tamaasa malinnissaat piumasqaataangilaq.

<https://www.danskindustri.dk/diversitetsloeftet/16-principper/>



DANNERHUSET

Winnie Alim naapitatta ilagaat, taanna suliffeqarfiup iluani attaveqaqatigiinnermik ilisimasanillu immikkoortortami pisortaavoq.

Siunnersuisoqatigiinnit Britta Keldsen, Mikkel Andreasen, Grethe Siegstad aamma Erni Kristiansen peqataapput.

Winnie pissarsiaqarfigingaatsiarparput. Ataani erseqqissaatigaarput:

Danmarkimi aapparisamut persuttaaneq ukiuni kingullerni ukkatarineqarluarpoq.

Danmarkimi agguaqatiissillugu arnaq ataaseq qaammammut persuttagaanermik kingunilimmik toqquteqartarpoq. Persuttaasoq arnamit apparineqarsimasusarluni imaluunniit apparineqarluni.

Taamak pisoqartillugu aappaasoq apparminut persuttaasartumut inooqatigiikkunnaarnissamik kissaateqarsimakkajuttarpoq, apparinnissamik isumaqatigiinngittoqarnerani qaammatit pingasut ingerlanerini aappaasoq persuttaasartoq apparminik toqutsisarluni.

Taamali apparisamik inuarneq sioqqullugu aappaasoq tarnikkut persuttaanermik ataavartumik ingerlatsisimaqqaakkajulluni.

Qaqugukkut persuttagaanissamut ilimanaateqarnerusarpa

- Meeraanermi peroriartornermilu persuttaasunik avatangiiseqarsimaneq inersimalernermi persuttaaganermik imaluunniit apparisamat persuttaasalernermik inuuneqalernissamat ilimanaateqarnerusarpoq
- Arnat qimarnguinni najugaqarallartut meeraanermi inuusuttuunerminniluunniit, persuttaanermik avatangiiseqarlutik nalaataqareersimasuukkajupput.

Suliniuteqarfimmi Dannerhusemi pulaarnitta kungunerisaanik suleqatigiit Kalaallit Nunaanni arnanut persuttaanermik akiuinialuni suliniuteqarnissaanni suleqatiserineqarpugut.



EQQARTUUSSISSUSERISUT NJORD

Taakkunanga Njordikkunnit peqataasut Rådet med Klara, Miriam og Kristian

Siunnersuisoqatigiinnit Britta Keldsen, Mikkel Andreasen, Rasmine Hansen, Grethe Siegstad aamma Erni Kristiansen peqataapput.

Eqqartuussissuserisut oqaluttuaraat, digitalimik attaveqaqatigiinnermi narrunarsagaallutik eqqugaasut qanoq Danmarkimi ikiorneqartarnersut.

Angutit arnallu, taamaattorli arnat amerlanerullutik digitalimik attaveqaqatigiinnermi eqqunngitsumik narrunarsagaasartut oqaluttuarineqarpoq.

Eqqartuussissuserisut nassuiaanerminni oqaluttuaraat angutit amerlanerussuteqartut attaveqatigiinneq digitaliusoq atorlugu arnanut narrunarsaallutik nuanninngitsumik kinguneqartumik eqqunngitsuliortarsimasut.

Ajornartorsiutaasut ukuupput

- Politinit pingaartinneqannginneri
- Uppernarsaatissaaleqinerit politit paasiniaanissaannut akornusiisut
- Sullissinerup sivisuallaarnera

Njord-imi suleqatigiit eqqugaasut avammut attaveqarnerinik ikiuuttarput

Digitale atorlugu attaveqatigiinnermi Eqqartuussissuserisut suleqatigiit makku ilaatigut misigisarpaat:

- Tamanut takusassiarineqarsimanngitsunik siammarterineq
- Apparisiimap assiinik videolianilluunniit tamataqanngitsunik siammarterineq
- Toqqorluni imauunniit akuersissuteqartoqarani assiliineq immiussinerlu
- Inuup allap inuttut paasissutissaataanik atorneerluineq
- Hurt-core, sextortion – allat assiinik videonilluunniit tamataqanngitsunik siammarterinissamik siorasaarineq



LGBT+ Danmark

Allattoqarfimmi pisortaq Susanne Branner Jespersen politikikkullu akisussaasoq Uffe Paulsen naapisimaarpagut.

Naapeqqaarnitsinni ilinniartut aallartitaannik peqataasoqarpoq, taanna akunneq ataaseq peqataavoq, isumaqarlunili nammineq suliassani ataatsimiinnermi attuumassuteqanngitsut ingerlaqqippoq.

Siunnersuisoqatigiinnit Britta Keldsen, Mikkel Andreasen, Grethe Siegstad aamma Erni Kristiansen peqataapput.

LGBT+ -ip pinngoriartornera maannalu arlaannaanulluunniit attuumassuteqarani suliniaqatigiiffittut ingerlalerneq pillugu paasisaqarpugut.

Suleqatigiit suliassanik paasisaqarluta aammalu Kalaallit Nunaanni suut suleqatigiissutigisinnaassanerlugit oqaluuserilluaqaagut.

Siunnersuisoqatigiinniit pingaarnertut suliassatut siunnersuutit

- Inatsisit atuuttut misissuiffiqineqassapput
- Inooriaatsimik peqqissumik inuuneqarneq
- Suliniaqatigiiffittut ittut ataqatigineqarsinnaasut



COCA-COLA

Siunnersuisoqatigiit naapippaat Gitte Dalvad Europami ingerlatseqatigiiffimmi pisortaasoq aamma Anette, attaveqaqatigiinnermi pisortaq

Siunnersuisoqatigiinnit Britta Keldsen, Mikkel Andreasen, Grethe Siegstad aamma Erni Kristiansen peqataapput.

Coca-Cola nunarsuaq tamakkerlugu assigiinngisitaartunik suliassaqrpoq. Taakkua suliffeqarfimminni sunik qanittumi suliaqarsimani tusarniaavigaarput. Suliffeqarfimmi ingerlatsisut suliaannik ilisimatinneqarluta ilaatigut anguniagaat suliaallu pitsaagaluartut pitsaavallaanngitsumik aamma kinguneqarsimasut tusagaqarfigaagut.

Coca-cola-mi sulisut assigiinngitsorpasuarunik suliniuteqartut tusarnaarlugit isummanik suliniutaasinnaasunillu nutaanik immersorneqarfigaagut.



NAALAGAAFFIUP UNNERLUUSSISUATA DIGITALIMIK ATTAVEQAATINUT IMMIKKOORTORTAQARFIA

Politiit pisortaata tullersortaa Niels Sørensen.

Siunnersuisoqatigiinnit Britta Keldsen, Mikkel Andreasen, Grethe Siegstad aamma Erni Kristiansen peqataapput.

Naalagaaffiup politiivinit digitali atorlugu inunnik narrunarsaasoqarsimatillugu paasiniaanermik suliaqartunit assigiinngitsunik paasissutissinneqarpugut. Meeqqanut suli inersimasutut aalajangiisinnaassuseqanngitsunut attaveqaatit atorlugit saqqummiussinerit narrunarsaanerillu amerlaqisut paasinarsivoq, imaappoq taakkorpiaat ukiumut 250-it missarluinnai nalunaarutigineqartarput.

Sullissisut immikkoortortaqarfimmi assigiinngitsuni paasiniaanermik suliaqartut naapillugit oqaloqatigaagut. Suliat paasiniarneqarnerinut tunngasut qanoq ingerlattaneraat aamma pingaartillugu ajornartorsiut pineqartoq, attaveqaatit atorlugit meeqqat narrunarsarneqartarneri akiorniarlugu suliniartoqarneranik paasisaqarnerulluta.




NALILIINEQ

Pulaarnerit qulaani taaneqartut suleqatigiinnitsinni atorluarsinnaasagut naligiissitaanermik suliniarnitsinni ikiuutaalluarsinnaapput.

Suliffeqarfimmini naligiinnerulernissamik suliaqarneq, suaassuseq aallaavigalugu nakuusertarneq, digitemik attaveqaateqarluni assersuutigalugu soorlu inuit attaveqatigiittarfiini eqqunngitsumik pissuseqartarnerit aamma assigiinngisitsinermik narrunarsaanermillu akiuiniarluni iliuuseqarnissaq siunertaralugu suleqqinnissatsinnut sakkussatsinnik pissarsilluarpugut.

Nunatsinni nalingiinnerup siammarternerunissaanut naapertuilluartumillu inooqatigiinissamut suliniutissanik nutaanik isumassarsiorluarsimalluta suleqqinnissatsinnut qilanaarpugut.

Siunnersuisoqatigiit sinnerlugit


Britta Keldsen
Siulittaasoq